



O secretario xeral do Consello da Cultura critica o discurso "catastrofista" dalgunos sectores sociais en relación á lingua galega. / XABIER PÉREZ

Carolina Carballado
SANTIAGO

CON 25 ANOS de historia, o Consello da Cultura ten aínda moito que dicir. Así nolo corroborada o seu secretario xeral, Henrique Monteagudo, co que falamos con motivo da recente inauguración, no Museo do Pobo Galego, da mostra 'Galicia 25. Unha cultura para un novo século' que conmemora o aniversario da institución. Monteagudo repasou con nós como evoluciona a nosa cultura neste último cuarto de século.

25 anos dan para moito, como cambiaron as cousas dende entón? Evolucionamos dun xeito moi importante. En Galicia logramos pasar dunha cultura pechada, só identificada co folclore, para ter unha visión moito máis actualizada. Agora podemos falar xa dunha cultura moito máis aberta e menos dirixida. Isto permite-

nos ter un nivel cultural moi superior.

Avanzouse, pero, quedarán logros por alcanzar... Sen dúbida. Agora mesmo creo que o principal problema é que hai unha falta de articulación do noso tecido cultural galego. Precisemos ter unha cultura máis rica e integrada, porque hai un déficit de infraestrutura cultural.

Que papel ocuparía aquí a Cidade da Cultura? Será o noso desafío para o futuro. Pode ser a gran oportunidade para a cultura galega,

pero pode ser tamén un paso atrás. O vindeiro goberno terá que telo en conta porque agora xa parece que é algo imparecible en liñas xerais.

O Consello é un órgano asesor dos poderes públicos, como foi a consideración da cultura por parte dos distintos gobernos de Xunta?

A Cidade da Cultura pode ser a gran oportunidade ou un paso atrás

Foron evoluindo co paso dos anos, chegando a haber momentos nos que o poder político nos deixou un pouco de lado.

Foi ese o caso do último goberno bipartito? Bueno, nese caso tivemos moitas relacións, por exemplo, coa consellería de Cultu-

A maior parte da cidadanía ten un sentimento a favor do galego

ra, pero os contactos con outros departamentos foron case inexistentes.

Foi moi difícil a política lingüística levada a cabo... Si. Nós, neste sentido xa non tiñamos bos precedentes, pero nestes catro anos, dende a secretaría xeral de Política Lingüística non lles intereso nada a nosa opinión, foi case un boicot cara o Consello e levaron a cabo unha moi mala política lingüística.

Precisamente nestes días a Mesa pola Normalización alertaba dun elevado des-

Con visos de confianza para o goberno de Feijóo

Gran parte da cúpula directiva do Consello da Cultura Galega se reunía hai tan só uns días co presidente electo, Alberto Núñez Feijóo. Como explicaba Monteagudo, faláron das políticas para incentivar o galego entrando nun debate "moi franco, sincero e respetuoso" que "fai que as súas políticas sobre o tema nos dean un marxe de confianza", explicaba.

Un cuarto de século traballando pola nosa cultura

O Museo do Pobo Galego acolle ata o vindeiro mes de abril unha mostra patrocinada por Caixanova que fai un percorrido pola historia da nosa cultura no último cuarto de século. Entre outros asuntos, aborda temas relacionados coa arquitectura, medio ambiental, comunicación, deseño, industria ou artes escénicas.

censo do número de galego falantes...

Si, pero, sinceramente, creo que non estiveron finos con este estudo. Comparan enquisas con mostras de poboación que non son comparables e por iso saen eses datos. Creo que sacan conclusións que rozan o disparate, cun discurso demasiado catastrofista. Deste xeito dá a sensación de que o galego morre todos os anos e así, acabará morrendo porque a xente se desmoraliza.

Non é tal o problema?

Non digo que o galego non retroceda e que eso non sexa preocupante e creo que a Mesa fai ben en dicilo, pero hai que cambiar o discurso.

Que se debería facer?

Lonxe de conflitos, a maior parte da cidadanía ten un sentimento a favor da lingua. Só fai falta un gran acordo político, social e institucional.

**Esquece a crise na Praza.
O noso shopper merca por ti
e o teu diñeiro se estira
e se estiiiiiiiiiiiiiiiiiiiiiiiiiiiiiiiiiiiiira.**

www.mercadodeabastosdesantiago.com

Ven e aforra



Mercado de Abastos de Santiago
Sociedade Cooperativa Galega

É outra historia

Tel. 981 583 438

Santiago 7 días 20, marzo, 2009